

**ЎЗБЕКИСТОН РЕСПУБЛИКАСИ НОМИДАН
ҲАЛ ҚИЛУВ ҚАРОРИ**

2024 йил 26 март

Каттакўрғон туман

Каттакўрғон туманлараро иқтисодий судининг судьяси М.Тоғаевнинг раислигида, судья ёрдамчиси Ж.Сагдуллаевнинг суд мажлиси котиблигида, Пахтачи туман фермер, деҳқон хўжалиги ва томорқа ер эгалари кенгашининг даъвогар “Davlatbek serhosil yerlari” фермер хўжалиги манфаатида жавобгар “Paxtachi klaster” масъулияти чекланган жамиятига нисбатан берган даъво аризаси асосида қўзғатилган иқтисодий ишни, ўз биносида ўтказилган очик суд мажлиси муҳокамасида, жавобгар вакили Ш.Рахимов (ишончнома асосида)ни иштирокида кўриб чиқиб, қуйидагиларни

А н и қ л а д и:

Пахтачи туман фермер, деҳқон хўжалиги ва томорқа ер эгалари кенгаши “Davlatbek serhosil yerlari” фермер хўжалиги манфаатида Каттакўрғон туманлараро иқтисодий судига даъво аризаси билан мурожаат қилиб, жавобгар “Paxtachi klaster” масъулияти чекланган жамиятидан 1,15 фоиз ҳисобланган 83 070 967 сўм коэффицент ҳақдорлигини ундиришни сўраган.

Ишни кўриш вақти ва жойи тўғрисида тегишли тартибда хабардор қилинган кенгаш ва даъвогар вакили суд мажлисига келмади ҳамда вакил(лар)и иштирокини таъминламади. Бу ҳолатда суд, Ўзбекистон Республикасининг Иқтисодий процессуал кодекси 170-моддасига асосан, ишни унда мавжуд материаллар асосида кенгаш ва даъвогар вакил(лар)и иштирокисиз кўришни лозим топади.

Суд мажлисида иштирок этган жавобгар вакили, ҳақиқатдан ҳам тарафлар ўртасида пахта хом ашёсини етказиб бериш бўйича шартнома тузилганлигини маълум қилиб, қонуний қарор қабул қилишни сўради.

Суд, жавобгар вакиллариининг фикрини эшитиб, иш ҳужжатларини ўрганиб, қуйидаги асосларга кўра, кенгашнинг даъвогар манфаатида киритган даъво аризани қаноатлантиришни лозим деб ҳисоблайди.

Иш ҳужжатларидан аниқланишича, даъвогар ва жавобгар ўртасида 2021 йил 18 мартда 179-сонли “Пахта хом ашёсини харид қилиш бўйича фьючерс шартномаси” тузилган.

Тарафлар ўртасида 2021 йил 18 мартда 179-сонли “Пахта хом ашёсини харид қилиш бўйича фьючерс шартномаси” тузилган шартномага 2021 йил 18 мартда тузилган 1-сонли қўшимча келишув тузилган, қўшимча келишувга кўра шартноманинг 1 ва 2-бандларига ўзгартириш киритилган.

Шартноманинг 1.1-бандига асосан, хўжалик яъни даъвогар 2021 йилнинг бизнес режасига асосан 26,5 гектар ер майдонидан, “Бухора-102” навли, 77,3 тонна пахта хом ашёсини харидор яъни жавобгарга етказиб бериш,

харидор ушбу маҳсулотни келишилган муддатларда қабул қилиб олиш ва муайян мажбуриятини ўз зиммасига олган.

Ўзбекистон Республикаси Вазирлар Маҳкамасининг “Мавжуд ер майдонларидан самарали фойдаланиш ва 2021 йил ҳосили учун қишлоқ хўжалиги экинларини оқилона жойлаштириш тўғрисида” 2021 йил 4 мартдаги 121-сонли қарори билан 2021 йилда кутилаётган минимал нархларга нисбатан рағбатлантирувчи коэффициент жорий этиладиган ғўзанинг селекцион навлари тақдирланган бўлиб, унга кўра ғўзанинг “Бухоро-6”, “Бухоро-8”, “С-6524”, “Наманган-77” ва “Бухоро-102” селекцион навлари учун белгиланган минимал нархга нисбатан 1,15 рағбатлантирувчи коэффициент жорий этилган.

Шу сабабли, даъвогар “Davlatbek serhosil yerlari” фермер хўжалиги манфаатида Кенгаш томонидан судга даъво аризаси билан мурожаат қилиб, жавобгар “Paxtachi klaster” масъулияти чекланган жамияти ҳисобидан даъвогар фойдасига 83 070 967 сўм коэффициент ҳақдорлиги ундиришни сўраган.

Ўзбекистон Республикасининг Фуқаролик кодекси (матнда ФК деб юритилади) 236-моддасига кўра, мажбуриятлар мажбурият шартларига ва қонунчилик талабларига мувофиқ, бундай шартлар ва талаблар бўлмаганида эса-иш муомаласи одатларига ёки одатда қўйиладиган бошқа талабларга мувофиқ лозим даражада бажарилиши керак.

Шу билан бирга суд, даъвони қаноатлантиришни, жавобгардан даъвогар фойдасига 1,15 фоиз ҳисобланган 83 070 967 сўм коэффициент ҳақдорлиги ундиришни, суд харажатни муҳокама қилиб, ИПК 116, 118-моддасига мувофиқ қаноатлантирилган талаб жами 83 070 967 сўмнинг 2 фоизи миқдорида 1 661 419,34 сўм жавобгардан республика бюджетига давлат божи ва жавобгар ҳисобидан даъвогар фойдасига 34 000 сўм почта харажати ундиришни лозим топади.

Юқоридагиларга асосан, Ўзбекистон Республикасининг Иқтисодий процессуал кодекси 116, 118, 157, 170, 176-180-моддалари қўллаб, суд

Қ а р о р қ и л д и :

Пахтачи туман фермер, деҳқон хўжалиги ва томорқа ер эгалари кенгашининг даъвогар “Davlatbek serhosil yerlari” фермер хўжалиги манфаатида киритган даъво аризаси қаноатлантирилсин.

Жавобгар “Paxtachi klaster” масъулияти чекланган жамияти ҳисобидан даъвогар “Davlatbek serhosil yerlari” фермер хўжалиги фойдасига 83 070 967 сўм коэффициент ҳақдорлиги ва ихтиёрий тўланган 34 000 сўм почта харажати ундирилсин.

Жавобгар “Paxtachi klaster” масъулияти чекланган жамияти ҳисобидан республика бюджетига 1 661 419,34 сўм давлат божи ундирилсин.

Ҳал қилув қарори қонуний кучга киргач ижро варақаси берилсин.

Ҳал қилув қароридан норози тараф шу суд орқали Самарқанд вилоят судининг иқтисодий ишлари бўйича судлов ҳайъатига апелляция тартибида шикоят бериши (прокурор протест келтириши) мумкин.

Суд